



Mala Høy Kuko, Atassut
Inatsisartut,
Maani/

§ 37 naapertorlugu apeqquteqaammur nr.-mut akissut

Inatsisartut suleriaasissaanni § 37, imm. 1 malillugu Naalakkersuisunut apeqquteqateqarputit. Apeqqut uanga suliasaqarfigisannit akineqartussanngorlugu innersuunneqarpoq.

Apeqqut:

1. Aalisakkanik tulaassuisarneq anguniarlugu naalakkersuisut qanoq tunumut pilersaaruteqarpat?

Akissut: Naalakkersuisut 2014-imiillu Tunumi sinerissap qanittuani piffiit aalisarfiulersinnaasut nalunaarsorsinnaajumallugit misileraallutik aalisartitsisarsimapput, naalakkersuisooqatigiinnissamik isumaqatigiissut takuuk. Misilerannernut atatillugu angallatit peqataasut tunitsivittut atorneqartarsimapput, taamaasillutillu tappavani aalisartut tulaassisarsinnaasimallutik.

2. Tulaassuinissamut pilersaaruteqanngippata suna aporfua?

Akissut: Tunumi 2017-imi sinerissap qanittuani misileraalluni aalisartitsisoqatigiinnissaa pilersaarutaavoq, angallatillu peqataasut tunitsivittut atorneqartussaasallutik. Nunami aalisakkerivinnik pilersitsisinnaaneq suliffeqarfiit namminersortut suliasaraat.

3. A) Kuummiuni tunitsiviup talittarfia tulaffigineqarsinnaava kikkunnit?

Akissut: Angallatit sorliit sumi tulattarnissaat pillugit maleruagassaqqanngilaq, pineqartoq najukkani talittarfinnut akisussaasut akisussaaffigaat. Talittarfimmi aalisakkanut suliffissuarmut atatillugu sananeqarsimavoq, nunaqarfimmilu ajunngilluinnartumik talittarfeqarpoq 2015-imi nutarterneqarsimasumik. Aalisariutilli ilaasa talittarfik oqqisimaarfittut taliffigisimaartarpaat ilaatigooriarluni anorit sammivii unammillernarsinnaasarmata

Tulaassuiffissaq ikkappallaarpat kikkut iluarsiniarlugu pilersaarusiussappat?

Akissut: Umiarsualivimmi ilisimasortap sissiukkap saavata nalinginnaasumik tinnartarnerani 4 meterimik ittuseqartartutut nalunaarsorsimavaa, taamaasillutillu kilisaatit mikinerusut tinnganerani luunniit talissinnaasarnissaat periarfissaalluni. Attaveqatigiinnermut Immikkoortortaqaqarfiup ilisimasai naapertorlugit sissiukkap saavani immap naqqa qanoq innersoq misissorneqarnikuunngilaq. Sissiukkap saneraqutaasa ilaanni toqqavikoqartoq ilisimaneqarpoq, entreprenørup piigassaralua, taannali akiliisinnaajunnaarluni unissima-

voq. Sissiukkap saneraa silarlutsilluguttaaq angallatinit oqquiffissaqqissuuvoq.

Pilersaarusiornissaq iluarsartuussinissarlu piumasaqaatigineqassappata tamakku Namminersorlutik Oqartussani Attaveqaqatigiinnermut Immikkoortortaqrifiup akisussaaffigai, allamik nipilimmik isumaqatigiissuteqartoqarsimattinnagu. Umiarsualivinnut immikkoortumik pilersaarusiame tamakkiisumik siunertarineqartuni allassimasutut tamanna pisariaqartinneqarsimasussaavoq. Taamaattumik suliaqalernissamut piareersimaniarluni pisoqarsinnaaneralu aallaavigalugit sanaartortoqarneq ajorpoq.

C) Tamanna pisimassappat qaqugu naatsorsuutigineqarsinnaassava naammassineqarsinnaanissaanik?

Akissut: Ukiut marlussuit qaangiuppata Tunumi umiarsualiviit pitsaassusaat nalunaarsorneqaqqittussaapput, piumasaqaatigineqarpallu pitsanngorsaanerit ukiumi tullermi ingerlanneqarsinnaassallutik. Erseqqissaatigineqassaaq uani iluarsartuussinereit pineqarmata. Pisariaqartitat allanngussappata immikkut kissaatitut pineqartoq suliarineqartariaqassaaq aningaasanullu inatsimmut immikkoortillugu ilanngullugu. Konto pineqartoq aserfallatsaaliuinnernut atugassaavoq sanaartugassanut nutaanut atugassaanani. Umiarsualivinnut immikkoortumik pilersaarusiame iluarsartuusassat ikilisinnissaat suliniutigineqarportaaq, nutaanik kissaateqartoqartillugu allanik peersinissaq pisariaqartarpoq umiarsualivinnummi aserfallatsaaliinissanut kontumi atugassiissutit naammannimmata. Pineqartut massakkut unammillernareerput.

Ilanngullugu oqaatigineqassaaq aalisakkanut suliffissuup tungaanut aqqusineq iluarsagassarujussuummat. Aqqusineq Namminersorlutik Oqartussat Vejen aserfallatsaaliugassarinnigilaat, kommunilli isumagisassaralugu. Umiarsualivik ullumikkornit atorneqarnerussappat aalisakkeriviullu sissiuugata nunaqarfiullu akornanni assartugassat amerlippata aqqusineq iluarsaqaartariaqarpoq.

4. Aalisakkat suut tunumi avataasiortunik aalisartuninngaanniit periarfissaava tulaanneqarnissaannik (tulaassuisoqalissappat)?

Akissut: Tunumi aalisakkanut nunami suliffissuaq tunitsiviusinnaasoq massakkut ataasiinnaavoq. Pineqartoq tassaavoq Kuummiuni aalisakkanut suliffissuaq qaleralinnik saarullinnillu tigooraasinnaasoq. Aalisakkat sorliit aalisakkanut suliffissuarnut allanut tunineqarsinnaaneritut apeqqummut tunngatillugu tassani namminersortut nunami suliffissuarnik qanoq ittunik ammanniarsinnaanerit apeqqutaassaaq.

5. Aalisakkat qassi tonsit tunumut naatsorsuutigineqarsinnaagaluarpat tulaanneqarsinnaagaluartut?

Akissut: Aalisakkat qanoq annertutigisut tulaanneqarsinnaanissaanut apeqqummut tunngatillugu apeqqutit assigiinngitsut apeqqutaassapput soorlu nunami suliffissuup tunisassiorsinnaassusaa, pisassat pisassiissutillu annertususaat kiisalu aalisariutit tulaassisartussat pimoorussinerit aalisarsinnaane-

rallu. Kuummiuni aalisakkanut suliffissuarmut 2010-mit 2014-imut ukiumut agguaqatigiissillugu 92 tonsit tulaanneqartarsimapput.

6. Aalisariutit sorliit nunamut tulaassuisinnaanissaannik pisussaaffeqassappat?

Akissut: Aalisariutit ataasiakkaat nunamut tulaassisussaatitaaneq ajorput, pif-finnili aalajangersimasuni aalisakkat pisarineqartut tulaanneqartussanngortinneqartarput. Nunamut tulaassisussaatitaassutitalinnik Tunumi massakkut aalisartoqanngilaq, sinerissap avataani pisanik taamak annertussusilinnik tiguisinnaasumik Tunumi massakkut nunami aalisakkanut suliffissuaqanngimmat. Assersuutigalugu NAFO 1F-imi avataasiarluni saarullinniarnermi pisat, Kujataani aalisakkanut suliffissuarnut tamakkiisumik tulaanneqartartussaataapput.

Inussiarnersumik inuulluaqqusillunga

Hans Enoksen